

Morning Regional Dogri News Bulletin, 15 May 2024

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 1- उपराज्यपाल मनोज सिन्हा होरें गृह विभाग दी जायजा बैठक दी अध्यक्षता कीती, सुरक्षा व्यवस्था दे अलावा नशाखोरी पर काबू पाने बारै बी सोच-विचार कीता गेआ।
- 2- योजना ते विकास सचिव एजाज़ असद होरें केंद्र शासित प्रदेश च सरहदी इलाका विकास कार्यक्रम दी अमलावरी दी समीक्षा कीती।
- 3- सीमा सड़क संगठन बी.आर.ओ नै श्री अमरनाथ जी दी पवित्र गुफा तोड़ी दे रस्ते च मती बेहतरी आंदी ऐ।
- 4 चुनांस आयोग नै आदर्श आचार संहिता दी खलावर्जी सरबंधि दाखलै शकैतें चा 90 प्रतिशत दा नबेड़ा करी दिते दा ऐ। बकाया शकैतें च बीजेपी ते कांग्रेस सरबंधी किश मामले शामिल न।

<><><><><><>

LG-Sinha

उपराज्यपाल मनोज सिन्हा होरें केंद्र शासित प्रदेश च गृह विभाग दी कारकरदगी दा जायजा लैने लेई कल इक उच्ची सतह दी बैठक सददी जेदे च उंदे सलाहकार राजीव राय भटनागर, मुख सचिव अटल डुल्लू ते होर केई सीनियर अफरस मजूद हे। बैठका च सुरक्षा बवस्था, पुलस

डेटा सेंसर दे गठन, फॉरेंसिक क्षमताएं च बाद्धा करने सरबंधी कम्मै-कारवाइएं ते सुरक्षा सरबंधी अखराजात दे बारे च तफसील पेश कीती गई। एल.जी हों सब्बनें सार्वजनिक ते सरकारी ईमारतें पर अग्ग कोला सुरक्षा आले उपकरण लाने ते उंदी क्षमता दी जांच करने दा निर्देश दिता। मीटिंगा च नशाखोरी दी कवैत पर रोक लाने ते नशामुक्ति केंद्रें दे कम्मकाज दे बारे च बी तफसीली चर्चा कीती गई। मनोज सिन्हा हों पुलस ते एहदे नै जुड़े दे होरनें संगठनें गी मता निग्गर ते असरदार बनाने बारै बी चर्चा कीती।

<><><><><><>

BADP-Meeting

योजना विकास ते निगरानी मैहकमे े सचिव एजाज असद हों कल सिविल सैक्रेटेरिएट च इक बैठक लाइयै बन्ने आले इलाके दे विकास सरबंधी कार्यक्रम तैहत हासल प्रगति दा जायजा लैता। सचिव हों जम्मू-कश्मीर दे बन्ने आले जिलें च इस महतवकांक्षी प्रोग्राम तैहत हासल माली ते ठोस उपलब्धिएं दी समीक्षा कीती। इंदे च जम्मू, सांबा, कठुआ, पुंछ, राजौरी, बारामूला, बांडीपोरा ते कुपवाड़ा जिले शामिल न। उनें सरबंधत जिलें च इस योजना दी अमल आवरी दी स्थिति बारै मुतल्लका जिला विका कमिशनरकें कन्नै चेचे तौर पर गल्लबात कीती। सचिव हों उनेंगी आखेआ जे ओह जिलें कश इस योजना तैहत उपलब्ध रपे पैसे दा पूरा पूरा इस्तेमाल यकीनी बनान ते जा सब्बनें कम्मै गी बी सबूरा करोआन।

<><><><><><>

Amarnath-Yatra

सीमा सड़क संगठन-बी.आर.ओ दे महानिदेशक लेफ्टिनेंट जनरल रघु श्रीनिवासन होरें आखेआ ऐ जे इस बरे दी श्री अमरनाथ जी दी जातरा लेई जाने आले श्रद्धालुएं गी पैदल टुरने लेई मते बेहतर जातरा मार्ग थहोडन। आकाशवाणी दे जम्मू संवाददाता दी रिपोर्ट मुजब बीआरओ दे महानिदेशक होरें राजौरी च इक नर्मी सुरंग कड्डने च थहोई दी कामयाबी दे मौके लोआए गेदे समारोह थमां बक्ख बाहरें पत्रकारें कन्नै गल्लबात च एह जानकारी साझा कीती। उनें दससेया जे पिछले बरे बी.आर.ओ गी श्री अमरनाथ तीर्थ स्थान दे जातरा मार्ग गी चैड़ा करने दा जिम्मा सौंपेया गेआ हा की जे इयां करना श्रद्धालुएं दी सुरक्षा लेई अत लाजमी ऐ।

<><><><><><>

DDMC-Ramban

रामबन च कुदरती क्रोपी दी मारै हेठ आए दे परोआरें लेई राहत सरबंधी हीलें गी तोढ़ चाढने लेई अतिरिक्त जिला विकास कमिशनर रोशन लाल हुंदी प्रधानता तैहत कल जिला आपदा प्रबंधन कमेटी दी इक बैठक लाई गई। राहत सरबंधी कुल 46 मामलें चा एस.डी.आर.एफ दे नियमें मुजब प्रभावित परोआरें दे पक्खव च 29 मामलें गी मंजूर कीता गेआ ते बाकी दे 17 मामलें दी परतियै जमांच करने लेई आखेआ गेआ। बैठक दरान बक्ख-बक्ख चाल्ली दे 48 मामले जिआं घरें-मकानें, मवेशिएं दे शैड्डें, कच्चे मकानें ते बक्ख-बक्ख तैहसीलें च माल-मवेशिएं गी पुज्जे दे नुकसान सरबंधी मामलें पर एस.डी.आर.एफ दे नियमें मुजब चर्चा कीती गई।

<><><><><><>

ADDC-Ramban

रामबन दे अतिरिक्त जिला विकास कमिशनर रोशन लाल होरें पंचैत विकास सूचकांक दी गणना ते एहदी बुनियादी रिपोर्ट तैयार करने लेई मय्यारी आंकडत्रें दी निगरानी च हासल प्रगति दी समीक्षा लेई कल सरबंधत अफसरें दी इक बैठक सद्दी। बैठक दौरान एह जानकारी दिती गेई जे सब्बनें 11 नोडल अफसरें लेई यूज़र-आई.डी कायम करी दिती गेदी ऐ ते अफसरें गी ऑनलाइन उपलब्ध फारमट दे स्हाबै आंकडे कठेरने बारै जानकार बनाया गेदा ऐ। अतिरिक्त जिला विकास कमिशनर होरें फील्ड अमले गी लोड़चदी सिखलाई देने दी जरूरतै पर जोर पाया। उनें अधिकारिं गी आखेआ जे ओह फील्ड अमले आस्सेआ दिते गेदे आंकडें दी खरी चाल्ली जांच ते समीक्षा करी लैने दे परेंत गै इनें आंकडें गी अग्गे जिला स्तरी कमेटी कश भेजन।

<><><><><><><><>

Doda-Road Safety

जम्मू ज़ोन दे डी.आई.जी ट्रैफिक मोहम्मद हसीब मुगल होरें कल डोडा जिले दा दौरा करिए उत्थे शिड़क सुरक्षा सबरंधी उपाएं दा जायजा लैता। बैठक दौरान उनें शिड़कें पर गड्डिं दी सुरक्षित ते बवस्था आले ढंग्गे सिर आओजाई यकीनी बनाने लेई सरबंधित सब्बनें भ्यालें दे नेड़में योगदान दी जरूरतै प जोर दिता। एहदे अलावा उनें दकानदारें गी बी जोर देइए आखेआ जे ओह अपनी हट्टिं दा समेयान दकानें दे अंदर रक्खन नां कि बाहर फुटपाथ या शिड़कें पर। बैठका च जिला विकास कमिशनर हरविंद्र सिंह, एसएसपी जावेद इकबाल, एसएसपी ट्रैफिक, डीएसपी ट्रैफिक ते सिविल समाज दे प्रतिनिधि बी मजूद हे।

<><><><><><>

Election-Commissson

चुनां आयोग नै आखेआ ऐ जे सियासी पार्टिए ंदे बड्डे नेताएं गी चुनाएं दौरान प्रचार करदे बेल्ले होरनें आस्तै शैल मिसालां कायम करनियां लोडचदियां न। आयोग नै इब्बी आखेआ ऐ जे एह जिम्मेदारी नेताएं दी ऐ जे उंदा चुनावी भाषण ऐसा होऐ जेदे नै देशै दे समाजी ताने-बाने गी कोई नुकसान नेई पुज्जै। बक्ख-बक्ख सियासी पार्टिएं आस्सेआ दर्ज करोआई गेदी शकैतें पर होठ दी कार्रवाई बारे चुनां आयोग नै दस्सेया जे 16 मार्च गी आदर्श आचार संहिता लागू होने दे बाद 90 फीसद थमां मती शकैतें दा नबेड़ा करी दिता गेदा ऐ। आयोग मुजब सियासी पार्टिएं पस्सेया कीती गेदी कोई बी बड्डी शकैत बकाया नेई रेही गेदी ऐ। उनें दस्सेया जे कांग्रेस ते बीजेपी गी छोड़ियै होरनें राजनीतिक दलें ते मेदवारें 425 शकैतां दर्ज करोआइयां न जिंदे चा 400 मामलें च कार्रवाई यां नबेड़ा होई गेदा ऐ।

<><><><><><>

Kisthwar-Park

किश्तवाड़ च मती उंचाई पर स्थित राष्ट्रीय उद्यान दे आले-दोआले दे इलाके च कुदरती वसीले जिंदे जंगल-जाड़, पखरू-पखेरू ते होर दुए कुदरती वसीले शामिल न दे संरक्षण लेई इक जोनल मास्टर प्लान बनाने गितै कल जिले दे बड्डे अधिकारिएं दी इक बैठक लग्गी। इस नेशनल पार्क प्रोजेक्ट दे तालमेल अधिकारी ते वन्यजीव वार्डन चंद्रशेखर होरें 2021 बरे दे अक्टूबर महीने च पर्यावरण मंत्रालय आस्सेया चपासम दे आधार पर मते। संवेदनशील घोषित 547 वर्ग किलोमीटर कोला मते इलाकें दे बारे च तफसीली जानकारी दिती। अधिसूचना मुजब उत्थे

पर्यावरण दे संरक्षण सरबंधी गतिविधिं गी बढ़ावा देने ते ऐसा कोई बी कम्म या विकास गतिविधि उत्थे नेई चलाने दी गल्ल आक्खी गेदी ऐ जेदे नै कुदरती माहौल पर दना क बी माड़ा असर पवै।

<><><><><><>

DLSA-Samba

कन्नूनी सेवाएं सरबंधी जिला प्राधिकरण सांबा दे चेयरमैन जेहड़े सांबा दे प्रिंसीपल जिला ते सेशन्स जज बी हैंन, होरें कल जिला निगरान कमेटी दी इक बैठक सदृिए सांबा च जेल ते निर्माण लेई योजना बारे चर्चा कीती। मीटिंगा च मुख तौरा पर सलाह-सूत्र इस कम्मै लेई जिमी हासल करने पर कीता गेआ जेहड़ी भलेयां अज्जै-कल्लै दिएं सुविधाएं कन्नै लैस होए, जियां जे आर्टिफिशल इंटेलीजेंस, मलाटिएं लेई वीडियो कांफ्रेंसिंग दी बवस्था, टेलीमेडिसिन ते 2016 बरे आले आदर्श जल मैनुअल मुजब लोडचदी हर लाजमी सुविधा हाल होए।

<><><><><><>

Moungri-Mela

उधमपुर जिले दे मौंगरी ब्लाक दे सर दब्बड़ इलाके च लग्गे दे त्रुं दिनें दा ऐतिहासिक शिव-पार्वती मेले दे अज्ज दुए रोज बी श्रद्धालुएं दा भारी रश ऐ। एहदा उद्घाटन जिला उधमपुर दे रजिस्ट्रार डॉक्टर गुरविंद्र जीत सिंह होरें कल कीता। कल मेले दे पैहले ध्याड़े खरी मती गिनतरी च लोकें शिव-पार्वती हुंदे प्राचीन मंदरै च मत्था टेकेया ते मेले च हिस्सा लैता। इस मौके पर बोलदे होई रजिस्ट्रार होरें इस किस्मै दे बड़डे आयोजन लेई मेला कमेटी गी मुबारकबाद दिती।

उनें बक्ख-बक्ख खेड्डें ते सांस्कृतिक कार्यक्रमें च शिरकत लेई मकामी विद्यार्थिएं दी सराहना कीती ते भविक्ख दे सब्बनें जत्नें लेई उनेंगी शुभकामनां दित्तियां।

<><><><><><>

Power-Shut Down

जम्म् बिजली बंड सप्लाई निगम जे.पी.डी.सी.एल दे रख-रखाव सरबन्धी कठुआ सर्कल नै इत्ताह दित्ती ऐ जे किश जरूरी कम्में दे चलदे 16 मई गी जिले दे पट्टी ते आले दोअले दे इलाकें च बिजली दी सप्लाई बड्डलै 6 बजे कोला 10 बजे तोड़ी बंद रोहग। जानकारी मुजब 17, 19 ते 21 मई गी मावा, राहियां ते आले-दोआले दे इलाकें, 18, 20 ते 22 मई रैपर, कगंवाला, बैंग्लाड, बसंतर, 16 मई गी बडवाल, नंदपुर, स्मैलपुर, 19 मई गी सरोर लोकल ते सरोर इंडस्ट्रियल एरिया च बिजली बड्डलै 6 बजे कोला 11 बजे तोड़ी बंद रोहग।

<><><><><><>